

乾隆杭州府志

杭州府志卷十八

山川

六 海寧

富陽

海寧州

赭山 在海寧縣西南五十里與仁和縣接界土石皆赤

因名瀕海產鹽先有鹽場其南岸對峙者爲蕭山縣龕山
東接鯨子門爲江海門戶宋乾道四年射獵于此明嘉靖

三十三年倭寇犯境因爲戍守重地

大清一統志

山高七十

五丈周三里二百步

成化舊志

浙江夾岸有山南曰龕北曰赭

二山相對謂之海門

海潮圖論

太平御覽載虞喜志林云赭山

原名折山以折字音近赭遂作赭山越絕書折山與折江

並稱或云秦始皇不能渡赭其山而回故西有赭山東有

回浦

西河集

赭山旁有小山曰鯊子山江出其中故有鯊子

門之名形與乍浦相援乍浦海中有山至下八山爲極遠

此外卽茫洋無山倭船之來必至八山下取水候風勢可

徑至鯊子門蓋鯊子門與下八山之哨首尾相望者也

讀史

方輿紀要 周鉞海門山賦大壑天接雙山闕如作鎮而
巍我對峙象門而中外皆虛坳萬仞于長霄挾持神秀納
八絃之積水開閉靈居合脊龍蟠連延壁立懸崖嶄峩而
不動駭水喧厓而自急每使盈虧之月向裏升沉能令早
暮之潮由茲出入故得周天柱作海門峻乾空碧高城混
元奔疊浪而若容車馮拔跳巒而似列瀟垣當備畫而織
露豁開大吞江漢值陰靈而濃雲交翳暗鎖乾坤外布雄
稜內施巖嶠波聲相切以澎湃山狀並分而竦峭呀吳呷
越總舟楫之隄防發電與雷駘魚龍之衝要岌岌崇崇橫
西截東風濤莫犯乎永固天地將齊乎不終况乎據是水

德鑿非禹功海若抱關于其側陽侯擊柝乎其中彼岱與
因頌頊漂流大行爲愚公遷易一則屹要道而徒在一則
滔洪波而何適未若是山專百靈捍禦表羣聖光宅吐晴
虹以爲楣森古木以成戟故能咽喉水府掩映仙都長鯨
透而謂呈魚鑰曉日照而疑啟金鋪以嶽而言巡八州而
何有以門而視指三海而則無異乎勢壓坤維氣連淮浦
作巨浸含宏之閭爲百有委輸之戶所以知開闢之神功
豈止亘億歲而窮萬古王炎題童壽卿湖出海門圖詩
潮來濺雪欲浮天湖去奔雷又寂然海上兩山元不動更
添此意畫中傳陳造題湖出海門圖詩二首絕島平岡
捲欲空兩崖相對屹穹崇卽今畫手兼詩筆更與江山角
長雄卷裏波濤快一披蒼山擁起雪山馳浮天沃日無窮
意到我春
恣病酒時

按縣于乾隆三十八年陞爲州以前志乘俱以縣稱今
仍舊目

禪機山

去縣西南四十五里高五丈周回五里

成化舊志
赭

山西一里巔有禪師井

舊海寧縣志

文堂山 赭山東半里爲文堂山亦江海扼要處明永樂

初徙巡檢司于此

大清一統志

山高三丈一尺周回半里

成化

舊志

黃山 在縣西南五十里一名越城山高五十丈周圍六

里二百步其色黃故名

咸淳志

胡家山舊名黃山又稱越山

在河莊山東一里

舊海寧縣志

范驥越城山詩江蘼半綠越王浦夜月初生伍員潮借得鄰翁

半畝地學粟黃犢稻春苗

葛嶼山 在縣西南四十三里高六丈周回三里

萬歷舊志

盤山 在葛嶼山東一里高七丈周二里

河莊山 巖門山西一里高七丈周八里萬歷舊志 赭山巡檢

司城在河莊山脚海寧縣志 陳文棟冬至前一日游河

晚沙潮人拷門聲漸小江吞葛輿勢偏斜焚焚野火明荒

積穢微陰風動宵宸珍重一燈禪榻外五更飛雨夢魂除

巖門山 在縣西南四十里宋設鹽場于此大清一統志 高

九十九丈周五里穹窿峭拔疊嶂蟠礴號爲一邑主山舊浙

江通志 雷山 在縣西南四十里咸淳志 天歷元年都水庸田司言

鹽官海岸西自仁和縣界赭山雷山爲首添漲沙塗水息

民安元史河渠志 山高七丈周回一里奔潮盪激漸徙入海居

于水心山形圓小翠鬱可觀萬歷舊志

蜀山 鹽官縣有蜀山

隋書地理志

去縣西南二十七里高五

丈周二里上有蜀山洞

成化舊志

蜀山名見隋志瀕海斥鹵催

煎官寓在焉其西南十餘里有巖門山亭夔相接總曰巖

門蜀山鹽場

談翰催煎廳題名記

嘉定十二年蜀山淪入于海

宋史河渠

志 孫覲雨中泊蜀山見漁人自山半負樵入舟鼓棹而去詩一嶂橫青靄千漚起碧潯行穿山半腹坐占水中心踞雨松溪滑衝烟夢喫深時來有登涉應不繫升沉

花山 在縣東五十里坦衍蟠薄如岡如陀多松竹其東

有黃山又東有菩提山

大清一統志

山高一十五丈周回一

里 萬歷舊志 范成大花山村舍詩潦遠灘灘露沙虛岸岸 岸頭澗聲穿竹去雲影過山來柳菌粘枝住桑花共葉 開菴廬少來往 門巷濕蒼苔

黃山 在縣東五十二里巉巖峭拔高六十丈周回七里

上有靈泉井

萬歷舊志

九祀山卽黃山許相卿讀書山中移籬

落間祀樹于庭旬日發枝九條遂自號九祀且以名山

舊海

寧縣志

陳高客黃山詩自到黃山十餘日終日飽飯只

昏昏誰家搗練不停杵俗吏抱書長在門天寒鴻鴈滿南

國歲晚梅花開故園客裏漫將詩慰藉遣懷不用酒盈尊

沈謙黃山詩游魚慎躍淵棲鳥解擇木况余烟霞志久

思迷空谷卜地又南徙凌晨促僮僕刺舟渡前溪朝陽見

霖霖澗溜趨澗泉修修惹雲竹田婦隨自攜漁蠶網新樹

枯棹互翻踏羊豕同放牧環山十餘里數姓皆聚族賭此

風俗淳轉覺人代速許公守淮陰卧閭省鞅撲故宅尚未

荒衝門但松菊後賢崇隱德出入常卉服慨然哀我窮分

宅增版築牀席安我身鷄黍飽我腹母將白髮梳見取文

選讀我生質軾軻福性類麋鹿誰能艱難際交誼尚敦睦

昔慚蘇門嘯今免嗣宗哭永辭郡邑驚從子抱牛犢人生

無良朋何以慰窮蹙

按夏言寄懷許司諫詩碧海東南望遙憐九杞山許自賦山游詩杞山秋高風日好獨扶藜杖步晴岡九杞之名當時頗著

葛嶺山 去花山東三里高四十丈周五里山形聳特萬歷

舊志葛家嶺髣髴會稽道中獨無竦壁千仞爭雄天姥耳清

江集

箬帽山 在縣東六十里高五丈周回半里成化舊志笠山在

葛嶺山東一里舊海寧縣志

菩提山 黃山東半里曰菩提山相傳卽千寶故居大清

一統志山高六十丈周七里嘉靖浙江通志山有怪石又有三石聳

時相望號品字石海寧縣志李流芳菩提山詩平野垂

求來

錢山 去菩提山東里許名勝志山高一十二丈周回半里

成化蔡志云一名泉山海寧縣志

按此山卽菩提支阜萬歷舊志謂之靈泉山泉錢古字
通故一名錢山實與菩提爲一山也

白鶴山 在縣東六十里高十二丈周半里近烏龍井成化

舊志山在錢山南二里舊海寧縣志褚靖白鶴山詩望入

長向峰頭宿清唳多從月下聽華表歸來丹壑冷松

坡舞罷白雲扇登高欲問當年事只恐仙禽舊姓丁

管山 白鶴之西爲管山高四丈周半里古今圖書集成職方典

妙果山 袁花山上有小山在縣東六十里咸淳志妙果山

係園花小山高二十丈周回七里成化舊志其山尾曰園花山

兩山本相連後斷山爲河名園花塘嘉靖浙江通志妙果山一名

龍山其相連者曰袁花山一名龍尾山讀史方輿紀要山之西有

孔洞山前志未載海寧縣志

龍尾山 妙果山尾爲袁花山因鑿斷判于妙果別名龍

尾山大清一統志相傳劉誠意鑿斷誠意未嘗輕用民力當

在湯信園巡海時海昌外志一名龍里山亦曰龍竹山山之中

爲城隍廟俗稱小城隍山以擬會城之吳山山後有白山

海寧縣志

按山因開袁花塘河而斷咸淳志已載袁花河俗有劉誠意鑿山之說又以爲湯信國皆屬無稽

包家山 在袁花東三四里其南曰黃武廟山又南曰夏家灣山舊志並缺邑東南椒壑連延土人不能盡名或今昔異名頗難核而合之以包家山特著姑補入以俟再考

海寧

縣志

中分山 在包家山北以分屬海寧海鹽二邑故名或云以有鍾氏墳爲鍾墳山

海寧縣志

夾山 在袁花山東四里高三十五丈東至海鹽界南北以西長一里半

成化舊志

山居金牛金粟之門故名曰夾

嘉興府志

金牛山 在縣東八十三里高三百丈周回一十九里山

側有洞

咸淳志

鹽官縣有金牛山輿地志云昔吳楚之間金

牛出毗陵奔來此山而沒因名之

太平寰宇記

古有金牛糞金

村民臯伯通隨之牛穴山而入兄弟鑿山取牛山崩二人

同死穴中因曰會骸山

九州要記

文同晚泊金牛詩一

斜日歛回疎木影急風吹斷落泉聲望窮好景番番別

題徧新詩闕闕精終是教人伏潘令許多才調賦西征

鳳凰山 廟山西二里高三十二丈周五里下有烽堠山

寨

萬歷舊志

山形如翠鳳山前地名細米灣

啟水志

山插立海中

爲海寧之水口省城之下關

浙江通志

崧山 金牛山東二里高三丈周三里

古今圖書集成職方典

望夫山 在縣東南六十二里高七十五丈東抵海鹽海

界

嘉靖浙
江通志

望夫石在廟山之上

萬歷
舊志

在崧山東一里卽廟

山之脚山形峭拔立烽堠其上山巔有石盤盤側立石

舊海

寧縣

昔海商失期不返其妻登石盤望夫泣殞化而爲石

激水志 薛師石望夫山詩望夫一望幾千年蒼蘚何曾
似翠細却是春深更風雨滿身吹淚使人憐 邱剡望夫

山詩朝望夫暮望夫一夕化作山
石枯潮水去却回行人來不來

廟山 去縣東南六十八里東至海鹽縣界高九十七丈

周回九里

成化
舊志

青陽山 在縣東六十五里高一十九丈周回三里

成化
舊志

黃灣山 在縣東南本名盈山形勢峭拔旁近大海

大清

一統志

盈山在縣東南六十二里

咸淳志

山高八十九丈周九

里

萬歷舊志 楊瑤寓黃灣詩望望人烟市
行商日滿塗四邊山勢合渾似蜀川圖

蟹山

在縣東南六十二里

咸淳志

山高五丈周半里

成化舊志

又延恩寺中有高阜稱蟹峯

海亭縣志

石墩山

在縣東少南五十四里爲海上要地地下有小港

外通大洋設寨防守

大清一統志

山高一十丈周回二里臨

安志作石堆山

成化舊志

石墩司城在石墩山明洪武十二年

徙破石巡檢于此信國公湯和提督沿海巡司築城周百

四十丈爲門二環門有池

萬歷舊志

小尖山

在石墩山東一里高五十五丈上有烽墩

古今圖書

集咸
方典

黃陀山 在縣東五十五里高一丈周回一里

萬歷舊志

橫山 在黃陀山南二里高六十五丈周八里

海昌外志

黃陀

山在縣東南橫山近之明嘉靖時蔡氏志亦列之鳳凰菩提間惟許志謂在硤石山北引嘉禾志云顧况所居山此則是海鹽之橫山地界截如且無六十五丈與八里之崇袤不得以沈山有顧况讀書臺因况爲未分邑之鹽官人牽連收入已分邑之海鹽山也黃陀南之橫山或今昔殊

名然畛域難混

海寧縣志

大尖山 在縣東六十里南瀕大海北距智河上有峰高

九十九丈最爲險要建烽墩臺于上大清一統志山周一

十里其上高峰周一里兩浙鹽法志山西北古與智河嶺相距

者俗呼龜山海寧縣志徐昉尖山詩鬼削天鏡萬仞尖

鴻濛判後只巍然丹青色澹龍晴日水墨光

擊天天然大筆誰能把爲掃鴛溪萬福棧

塔山 尖山之西有小山俗名塔山去尖山百有餘丈

海寧縣志

道塔山乃尖山餘氣上有塔故名海寧縣志

談家山一作譚山談家山在縣東南七十里高二十丈周回

二里成化舊志譚山五代譚峭煉藥得道處所著化書傳于世

觀仙鑑所載詩亦其寄跡海嶠之証古今圖書集成職方典山在水

安湖西有高嶺入海寧界澱水志自葛家嶺東過談家嶺山

益竒路益險

貝清江集

烏龍山 舊名烏山在縣東南七十里高六十丈周二里

東至海鹽縣界

嘉靖海寧縣志

唐天寶五載置烏山戍地卽此

舊海

寧縣志

贊山

在縣東北七十里

咸淳志

山高五丈周回二里

成化舊志

山與紫微山並峙中通河流

方輿紀要

沈山 在縣東北六十里硤石鎮東接海鹽縣界土人呼

爲東山舊志宋時臨海南陽二郡太守沈景葬此因名或

以爲審食其葬處故名審山誤也昔海鹽令周顛至此謂

其林境清麗亞于鍾山故山北亦名北亞山

大清一統志

審

山高五十三丈周回七里三百步

咸淳志

趙瀛嘉興府圖記

硤石鎮東西兩山相峙亦曰雙峰

海寧志

沈山唐屬蘇州之

海鹽縣昭宗大順中割歸杭州

至元嘉禾志

蘇平登審

臨此日興偏豪青山有約聯同社黃菊無情笑二毛萬里
碧天連海迴兩峯秋色倚雲高誰知顧况臺前月還爲詩
人照錦袍 王守仁審山詩朝登硤石巔霽色浮高宇長
岡抱迴龍怪石駭奔虎古刹凌層雲中天立鰲柱萬室湧
魚鱗晴光動江澗曲徑入藤蘿行行見危堵寺僧聞客來
袈裟候庭廡登堂識遺像畫繪衣冠古乃知顧况宅今爲
荒王土書臺空有名湮埋化烟莽葛井雖依然日暮飲牛
殺長松非舊枝子規啼更苦古人豈不立身後杳難覩悲
風振林薄落木驚秋雨人
生一無成寂寞真知何許

硤石山

在縣東北六十里一名紫微山唐白居易嘗登

此因以其官名之兩山相夾中通河流山之東有硤石鎮

大清一統

志

山半有碑鐫紫微山三字舊志云唐紫微舍人

劉禹錫作刺史行縣至是山望硤石湖因名按禹錫未嘗

爲杭州刺史惟白居易裴夷直自中書舍人出守舊志誤

也

咸淳志

紫微山楮無草木左右怪石縱橫錯布

貝瓊硤石雙峰游記

山高三十丈周一里與東山對峙

海昌外志

硤川有深水大湊

兩山夾爲水門猶夫赤甲白鹽下承三巴之委也山自天

目西來交赭嶺歷巖門爲西條往牒故首紀西山云

朱嘉徵西

山記

朱伯虎硤石山詩鑿石開山已幾年半天臺殿聳

危巒曉鐘聲向雲邊落夜月光從檻底看野色難藏千里

秀松風長占一軒寒老僧此處真佳隱應笑塵勞效小官

余粥紫微山詩孤峯牢落幾年臺殿于今插半天已

是精藍誇絕微更將寶塔冠危巔烟霞色任陰晴變鐘

磬聲隨上下傳珍重老僧無別境一生幽趣只山川

石棋山 在縣東北六十五里高四十五丈周四里巖阻

岑蔚上有樵泉冬夏不涸

古今圖書集成職方典

今名審墳山相傳

上有漢審食其墳土人誤讀食其字本音遂稱石棋其說

與沈山錯出姑兩存之

海寧縣志

按咸淳志云鹽官縣東南六十里至紹興府餘姚縣以石棋山爲界其山當在故縣極東南餘姚交界萬歷舊志又云在東北卽審山支阜土人分審食其姓名爲兩山而又訛爲石棋耳夫食其本音異基不應訛爲石棋如以爲山在餘姚則施宿會稽志載餘姚之山並無石棋疑此山本在海中非萬歷志所指之山也

茗山 在縣治西北三十八里俗名隱山高八丈周二里

六十步

古今圖書集成職方典 沈繼元茗山詩九曲溪南訪茗山茗山高出水雲間雲騰太古鴻濛氣水

抱滄浪鳴鶴綠灣洞口雨腥龍蟄去村頭烟暝鶴飛還紅塵滾滾成何事偷得浮生半日閒

赤土嶺 在縣東北六十里長一里二百步東南接靈泉

井西連黃山脚

成化舊志

赤兔嶺一曰赤土

舊海寧縣志

周都司嶺 卽黃山東麓明都司周應正戰歿處建廟于

此因名

海寧縣志

智河嶺 在尖山東北乃石墩之凹

海寧縣志

黃岡 縣之東五十里曰黃岡

危素黃岡書院記

按徐一夔小桃源記云後負硤石前倚黃岡黃岡蓋卽

黃山支隴故云倚也南史謂鹽官顧越所居新版黃岡是黃岡之稱亦舊矣

喝石巖 在審山鉢孟頂下唐僧俱胝登巖喝石得泉泉

深丈餘冬夏不竭巖後有轉身洞宛轉通達洞外石壁數

仞懸蘿倒葛不可磴道亦稱俱胝巖舊海寧縣志巖深黑可坐

三四人又言舊多合抱大木三伏時如清秋巖前土皆五

色今大木被伐矣貝清江集

禮斗巖 卽俗呼八仙臺者朱嘉徵西山記

金牛洞 海寧金牛山側有洞深不可測舊志建炎初黃鸞

居民多避兵于此咸淳志周文瑛金牛洞詩凌兢下危梯
倪僊坐深穴回身避雲霧僊面視日

月藥苗護給研竹節截薛學安知幽巖下有此大奇絕金
半鏗光景仙躒尚可闕岡頭春已半枸杞如點血便恐顛
風與橫吹
石崖裂

紫微洞 在紫微山後深一丈一尺濶四尺乃馬自然煉

丹之所世稱爲神仙洞

成化舊志

怪石 在真如禪院

古今圖書集成職方志

菩提山東上峭峰百尋

怪石倚巖欲墜不墜遊人牽絲其下絕無根著至今屹立

如故

舊海寧縣志 董將題怪石詩茲山翠成堆峭骨乃
如許化工妙融結石罅走青乳昔年女媧氏煉此不

及補巖巖至于今丈室枕其股我來手摩挲松陰日亭
午初疑道士羊亦類將軍虎坐久飢腸鳴試作先生煮

箭石 在徐王土穀神祠出土二尺周回二尺俗名錢王

箭

古今圖書集成職方志

磨劍石

在審山之上

成化舊志

相傳秦王淬劍于此鏝痕猶

存

舊海寧縣志

盤陀石

在硤石紫微山後神仙洞之左

萬歷舊志

舊志作盤

蛇勢若坡陀盤旋而上頂平可坐二十人其著土處如蓮

花莖

舊海寧縣志

按硤石東山更有關雞石牛眠石西山更有百步石皆

見舊志

海 在海寧縣南元和志在鹽官縣南七里舊志在縣南

十里東連海鹽西接浙江潮汐往來衝擊不常並海有塘

自唐以來修築詳見海塘下

大清一統志

今在縣治南半里

浙江通志 高啟登海昌城樓望海詩百川浩皆東元氣
流不息混茫自太古于此見容德積陰漲元濤萬里失空
色鴻鵠去不窮魚龍變莫測朝登茲樓望動盪豁胸臆始
知滄溟大外絡九州或日出水底宮烟生島中國寬疑浸
天濶怒欲吹地晏安得擊水遊國南附鷗翼 黃嚴鹽官
望海詩出自東門望茫茫潏潏空三山盡縹緲一氣總鴻
濤潮影連雲白波光射日紅
獨憐浮海客吾道豈終窮

臨平湖 在鹽官縣西五十五里漑田三百餘頃 元和郡縣志

在縣西五十里臨平山南褚無量家近湖邊年十二時湖
中有龍鬪傾里巷觀之無量讀書晏然不動 太平寰宇記 一名

鼎湖圖經云湖汪洋數百頃東西八里一百步南北九里

二百步深七尺旁有四闢古爲渚蓄灌田之備 舊海寧縣志 姜日

俊泛鼎湖詩昔聞鼎湖名今見鼎湖水巨浸出高原環周
千餘里小艇凌晨進一望清且泚長風天際來日脚明沙

蕭浩歌發中流鳧鴨四面起蕭蕭高下飛晴空落遠溪
疑有桃花源神仙在其裏顧盼窮青冥烟凝暮山紫

按寰宇記輯在仁和析縣之後仍系臨平湖于鹽官縣
蓋湖界兩縣而鹽官居多也今湖六百餘畝大半猶屬
州境舊志或不載此湖者非

月湖 去縣西南四十五里赭山西側周回一百八十丈
其形如月故名深五尺海潮崩潰沙塗壅塞古今圖書集成職方典

建興湖 在縣西北二十五里東西一十里南北九里吳
建興中開因名建興舊志誤作建寧咸淳志

按葛澧錢塘賦作建寧

高湖 在縣東北十七里東西二十八里南北一里三步

咸淳

志

谷湖

在縣東北四十六里周四里

咸淳志

竹浦湖

在縣東北六十里周六里以上四湖今皆廢

咸淳志

志

按四湖久廢而各志承載其小不同者成化萬歷二志

云建興湖南北六里深五尺谷湖在東北十七里又谷

湖與竹浦湖俱深五尺趙維寰寧邑備考據舊圖經云

建興勝百斛舟谷與竹浦勝八十斛舟附資叅考

硤石湖

在縣東北六十里廣三十二丈源自茶湖南通

麻涇港西南流入洛塘河東達海鹽縣界

大清一統志

天目

分流正出其中卽谷水也舊名上谷湖後名硤川徐泰海

鹽志曰鷓鴣湖長湖上谷湖俱西受硤川之流也湖水南

分經市中卽名市河北注長水

古今圖書集成職方典

水源自茗溪

達莊浦堰東流泮塘北合洛塘抵硤漚爲南湖谷水出焉

秦時名曰夾谷

止溪集

高啟過硤石詩硤石頗奇怪長

河出連山絕壁兩岸開行舟過其間高處

誰解登陰藤裊難攀旁垂雨痕古仰露天光慳不知真宰

意隨地設險艱一夫據蜀關二世憑秦關類此非要區爭

奪得少閒徘徊佇

望久日暮飛雲還

茶湖 去縣東北七十里周廻三里其源自吳姚塘河南

流入于硤石南湖

成化舊志

彭墩湖

在縣東北七十里西南通硤石河東北至白茆

港入海鹽界大清一統志周廻三里其源自石碁港迤西南

入硤石湖成化志

黃道湖 在縣東北八十里彭墩湖北北接海鹽縣界舊

名鷓鴣湖上有黃道神祠硤石湖水所注也大清一統志

沈謙五月過黃道湖感舊詩昔年曾此泊隄樹雪模糊昨夜南風競扁舟復渡湖渚花翻浪出水鷓向人呼衰老今安適真悲歲月徂

按縣志云湖在縣東五十里似誤

市河 在縣城內上流自二十五里塘河由城北門入又出西水門合淡塘河

本朝順治十年開濬至雍正七年又濬可通舟楫大清一統志自

城北拱辰水門入東南經勝安橋以達安肅水門宋元間縣東有賦亭驛舟楫往來元末移驛長安併作水驛自此河漸湮塞

嘉靖海寧縣志

順治十年十月邑令秦嘉系開浚

舊海寧縣志

志

淡塘河 在縣城西北二百步北通運塘河東抵縣城濠

宋嘉定間邑南海岸傾陷築堤以障潮水約長六七里其

西湮塞

大清一統志

淡塘自嘉定間海沙坍陷市境西至秧

田廟約六七里其河尚存由秧田廟而南轉西泥沙湮塞

舟楫不通惟舊橋故道畧可識

咸淳志

嘉定十五年鹽官縣

海塘衝決命浙西提舉劉屢專任其事屢言縣東近南爲

六十里鹹塘近北則爲袁花塘縣西近南亦曰鹹塘在北則爲淡塘常驗兩處土色虛實則袁花塘淡塘差勝鹹塘且各近裏未至與海爲敵勢當東就袁花塘西就淡塘修築則可以禦縣東鹹潮盤溢之患其縣西一帶淡塘連縣治左右共五十餘里合先修築上以爲然

宋史河渠志

舊志記

其派自錢源來今河之東北流尚存

成化舊志

二十五里塘河 在縣西北舊名湖塘以通湖水也源自

西湖達運河至長安壩東流二十五里經縣西北通城內

市河

大清一統志

紹熙九年令陳恕浚河築岸廣三丈高三

尺甃以石人號甘棠隄

咸淳志

嘉定十二年臣僚言鹽官密

邇都城內有二十五里塘直通長安牖上徹臨平下接崇德漕運往來客船絡繹去歲海水泛漲兩岸田畝無非決壞若更徑入于塘不惟民田有鹹水淹沒之患而裏河堤岸亦將有潰裂之憂乞下浙西諸司條具築捺之策從之

宋史河渠志

蘇平甘棠謠甘棠隄上水平溪野人掘河新築隄春風杏花三十里長安道遶聞馬嘶使君考績朝天去沙堤惟見棠梨樹兒童騎竹待公還父老攀轅願公住公今到家勿久留驄馬重來隄上頭鹽官戶口三十萬寒則思衣餓則飯我今試作甘棠歌父兮母兮可奈何

按舊志云此河自縣市河北出拱辰水門透西南二十五里匯運河由縣溯至運河似于源委倒置

運塘河 在縣西北三十餘里莊婆堰自仁和縣流入東

北入嘉興石門縣界宋時運道所經也自後改由新開河
由德清入石門而此河漸淤大清一統志自莊婆堰北接嘉

興界西經許村至仁和縣界讀史方輿紀要

新江塘河 在縣東北二十里一名泮江塘源自德清縣

大麻溪流入運河其東南流通袁花塘河大清一統志大麻

溪之支派由本縣莊婆堰西北東流抵縣城濠逶迤七十

餘里支港甚多東北注入嘉興境成化舊志此海寧下塘水也

北流俱入嘉興境其東南出渾水石橋注入袁花塘舊海寧縣志

志

郭店塘河 在縣北十二里其派自新江塘而南曰止溪

溪南曰胭脂涇相傳范蠡載西施泛舟處東經橫塘南抵

縣城大清一統志蘇溪卽郭溪也明蘇平蘇正兄弟居此因

名舊海寧志郭店河與新江塘河源流止是一水但郡志詳

于郭店邑志詳于新江海寧縣志蘇平郭溪春水詩浴

蘭渚帶烟湘浦晚桃花迎浪武陵春魚鹽小店人爭利

舟楫迷途客問津何事白頭林下叟一竿風月獨垂綸

洛塘河 在縣北三十里自新江塘之北東流入硤石南

湖旁有支港小河經硤石鎮爲市河迤注嘉興境之長水

塘河大清一統志塘長四十里咸淳志姚充洛塘泛舟詩

娛晚春桑葉成陰全遠
岸藤花垂水欲迷津
硤石市河 去縣東北六十里其水乃洛塘河支流東注

入嘉興縣長水塘河

成化舊志

南北舟航孔道

海寧縣志

袁花塘河

在縣東五十里源自縣城壕東流通海鹽縣

澉浦

大清一統志

其源自吳姚塘港長六十里許而支港不

一南通白彈港西流入于城濠

成化舊志

考吳姚塘港東北注

黃道湖白彈港注入嘉興境舊志言西流誤也

舊海寧縣志

六十里塘河

在縣東自市河抵黃灣六十里入減水河

通鹽艘民舟并資灌溉

大清一統志

泰定四年就六十里塘

下舊河取土築塘

元史河渠志

西湖水從仁和至海寧繞城南

而東抵黃灣爲六十里塘河至此而上河之水與下河會

通地勢東高西下其支港則北流自薛家壩而東漸積淤

塞今復疏導

書海寧縣志

土備塘河

卽新塘河在縣東南自天妃廟東抵黃山北

長五十里雍正十一年開挑乾隆五年疏浚

海寧縣志

東林河

赭蜀二山之旁有河曰棗林產鹽官棗處也商

舫輻輳貨財全集有市名象光今俱沒于海

舊海寧縣志

范蠡塘河

縣西三十五里故老云昔越王進西施于吳

嘗取道于此見舊圖經後海坍不存

舊海寧縣志

按范蠡塘咸淳志載在古蹟卷中惟言其塘不言有河

今久廢無從考驗姑依舊志附列

白彈港

去縣東二十五里係袁花塘河之支派北流入

新江塘河

成化舊志

黃土港

去縣東三十二里係新江塘河之支派北流入

洛塘河

成化舊志

夾山港

去縣東六十里與秋門吳姚石棋三港皆袁花

塘河支派夾山港北流入彭墩河秋門涇港北流入茶湖

吳姚塘港東北注入海鹽縣界黃道湖石棋港長十里許

北通彭墩湖東流入海鹽境

萬歷舊志

麻涇港

去縣東北五十八里乃新江塘河支派北流入

硤石南湖

古今圖書集成職方典

赭山港

在縣西四十五里舊志云縣西二十八里有天

門港又西二里曰褚家壩港又西二里曰馬牧港又西十

三里曰赭山港又有渾水港亦在縣西四十五里五港皆

分運塘河水南抵海塘岸

讀史方輿紀要

東陳村港 去縣西北四十七里係新江塘河支派南抵

運塘岸

成化舊志

侍郎港

縣東北五十里宋侍郎章之光故居

舊海寧縣志

石魚涇 在北亞山下泉石交錯林木蔭映溪流清敞可

數苻藻石根斷續隱現溪流若游魚然

硤川志

潘廷章同陸嘉叔僧慧幢

遊石魚涇詩小得溪山天一涯林深逕轉路欹斜藤蘿斷

壁朱垂筵梅倚寒岩雪作花剡曲只應支遁隱鹿門何處
德公家放情未欲適歸
去扶杖沿流聽晚鷓

艦澳 在縣西十九里東西一百五十步

咸淳志

划船漾 在縣西北十五里里人以清明日盪舟于此扮

農家翁媪矢口卜蠶禾之事四方男女來遊飛槩如織競

爲水嬉

舊海寧縣志

白龍潭 在十一都運河側紹興間建龍王廟

咸淳志

中間龍潭 在長安鎮中間之內卽白龍潭

萬歷舊志

又一白

龍潭在南山下水極清晝潭中倒影如畫昔有白龍行水

于此因名

硤川志

陳敦永龍潭詩最愛龍潭勝松風坐草亭蒼山蕨真穴白晝走雷霆炎暑消三伏神

咸集百靈幽深留化跡一勺見滄溟

棟花溪 去城五十里三管墩東北環溪茂林所產多棟

因以名溪宋安化郡王王沆裔孫世居溪上

舊海寧縣志貢師素過

棟花溪詩棟水河汾脈居人應樂敦林深時見鹿市遠不聞喧花竹桃源徑桑麻社曲村衣冠同世俗耕讀荷見孫

百尺浦 在縣西四十里舊有百尺樓今廢

咸淳志

越王起

百尺樓于浦上望海因以爲名

輿地志葛惠保過百尺浦詩百尺浦遺樓百尺

葉當年何赫赫海色空濛望不窮晴暉一片烟薄白吳山越水自春秋無限悲風日夜浮高樓遺跡空荒草惟有沙

急流禽送

黃灣浦 在縣東六十里

成化舊志

與海鹽縣澉浦接界北通

硤石袁花諸處

讀史方輿紀要

圖經有黃灣閘

舊海寧縣志瑤題黃灣浦上詩

楊

舊日寒湖浦如今但有名人烟一帶盡古陌酒旗橫

樞夜泊黃灣詩移近黃灣泊短篷野雲垂地一溪風渚香

吹散荷花雨幾點流螢出葦叢

石浦 永明九年鹽官縣石浦有海魚乘潮來水退不得去長三十餘丈黑色無鱗人呼爲海燕南齊書硤石疑舊名

石浦

神州古史考

雪峰泉

在縣東南五里壽聖院元延祐間海坍不存

成化

舊志唐雪峰禪師義存結廬鹽官手鑿此大旱不竭井中時聞風濤之聲舊海寧縣志

樵泉

在夏家灣山頂受泉石罅汲盡復聚盈則暗消其

味甘和謂濟樵者之渴故以名之

晚榆軒集

靈泉 在縣東七十里菩提山上昔有道師操勤夜爲鬼神講佛書一日井涸神告之曰當有泉發于山俄寺前之

西有竇出泉故名

咸淳志

海昌並海之山皆無泉惟北山有

靈泉

貝清江集

靈泉

陳逸

靈峰泉

記邑之東

六十里

山曰

菩

提水

曰靈泉

廟佛其上

曰真如余以職事出郊常往

焉山多喬木脩竹前寺如蔽後寺如衝泉在寺傍飲之與
吾家庶子泉頗相伯仲山之浮屠曰昔有道師操動誦佛
書一日井涸夢有泉發于山俄竇于寺前之西故謂之靈
泉事見圖經此邑地半海鹵而有斯泉惜乎陸羽張又新
輩未嘗一顧不列于茶經水品地僻跡遠且不爭名瓶鼎
之間有若士之有道而不自表暴者庶子泉在二浙之中
瓶罌之行不遠萬里好事者謂茶得泉如人得仙丹精神
頓異故自御府至于韻人勝士不可一日無此安知靈泉
亦能點化瓶中之廣寒也今泉雖有震名而煮海之民但
以爲淡水當其雨潦浸淫蝸蟻游焉可爲太息雖然物之
窮通故自有數造物者每乘除
而機括之豈獨斯泉未遭也哉

赤壁泉

在審山小赤壁下深邃不可度時有游魚山焉

舊海寧縣志

一名半月泉今堙又碧雲寺外有泉亦名半月

海寧

縣志

慈烏泉

在審山東冬夏不竭

貝清江集

天眼泉

山之半圓如覆盂爲鉢盂頂有泉一泓爲天眼

井

朱嘉徵東山記

紫微泉

在硤石鎮紫微山

萬歷舊志

宋淳熙十年建亭泉上

邑尉鍾必萬題曰漱玉

海昌外志

白水泉

在西山白水菴色白而甘有談遷記

硤州志 西山

有泉四曰紫微泉白水泉不二泉丹井泉

止溪集

放生池

在縣西北延恩院東南二百步

咸淳志

在縣北一

里舊在延恩院東南宋慶元四年令施枹改鑿于此

咸化舊志

傳益放生池記宋有天下餘二百年列聖相承專以仁
覆宇內郡縣之官惟思所以奉行上意雖動植至微之物
各得以遂生養之宜故于震風之日守若令率官吏致膏
呼之祝且集羽毛鱗介之屬爲亭以臨縱之以盡臣子報
上之意也鹽官放生池舊在安國寺之左歲月滋久亭圯
不治地復隘陋無所容不足以推大好事之德然邑運天
府令多疲禱神于簿書獄訟尹欲更創而新之未遑也聖
上嗣位之四年沛澤洪深浹洽萬類朝奉郎知縣事臣寬
枹考警三上人安以紆百物順成乃經理于縣之郊北面
河爲亭三間基址宏暢波流洋洋延袤通達卽放生之名
以揭于榜克廣帝心虔頌皇壽俾曰飛日潛翔舞驪羅極
天淵之樂獲與斯民偕躋仁壽之域願不遑歎矧是役也
不勞民不侈費經始于七月之初以八月晦日落成邑人
聚觀嘉賢令之愛君去之日如始至願刻堅珉以爲永久
無窮之傳云

九蓮池

在安國寺殿後初異僧卓錫于此陸地生蓮九

莖乃卽其地濬爲池歷唐宋迄明日久就塞萬歷間僧募

重濟

舊海寧縣志

荷花池

在縣東北二里

縣志引都莊圖說

兵備官署有荷池柳

絲飄拂儼入圖畫鄂觀察標亭曰絮影

道古堂集

白洋池

在縣西北二十三里周迴五十五丈深八尺發

源新江塘

古今圖書集成職方典

相傳中有龍湫大旱不竭

舊海寧縣志

靈池

在長平鄉審山水旱不盈涸

咸淳志

靈龜池

在縣東北六十里或云舊有尼寺今廢顧况有

詩

咸淳志

舊在硤石靈龜寺內寺至宋時廢惟池尚存

咸化舊志

靈龜池左挹靈池右引湖水溯洄百泉母令蕩汰此亦百

川鎖鑰也

朱嘉徵南山記

磨劍池

在硤石鎮贊山上

成化舊志

深潭奧渫澄湛如鑑相

傳云錢王磨劍池

海昌外志

市邑十井

故老相傳本縣阮店村章仁蘊開今仁賢坊

雙廟巷安國寺三井是也仁賢坊井以白石爲欄色類玉

有刻文云當邑章仁蘊開此義井第十四口元豐壬戌歲

記則仁蘊所開不止十井餘皆湮沒不存

咸淳志

異井

一在安國寺深十三丈本境土薄凡浚井未三丈

而泉出故不能深獨此井深大旱賴以取汲一在延恩寺

深七尺一在尉司廨內味甚甘石欄有至和元年刻字邑

中第二水也尉趙師羽立亭于上曰送雲又丞廨東一井

其水在尉廨井下

古今圖書集成職方典

義井 在縣西五里邑人徐仲鑿

成化舊志

又三所一在儒學

儀門一在阮塾灣張泰鑿一在孫家橋里人孫氏鑿

海寧縣志

烏龍井 在縣東七十里福濟廟廣四尺深七尺冬夏不

竭相傳昔臯蘇將軍之烏馬跑于地得泉遂以名之旱歲

禱應如響

咸淳志

宋邑令胡堅常元州判申繼賢皆以旱禱

獲雨

舊志

貝瓊烏龍井詩曾飲烏龍泉爲愛烏龍井不

坐泉上亭聊以觀我影歲久蚪斗滅朝寒曉籟靜徘徊不忍去勝處心已領有約待春深攜客來煮茗

按貝清江云海昌並海之山有烏龍泉泉小不足觀者

卽指此

禪師井 在縣西南四十五里禪機山

萬歷舊志

石井 在縣北一十二里今廢

咸淳志

世傳馬自然入此井

成化舊志

張昱題海昌仙踪詩故老相傳語不空至今

石井有仙踪行人莫向井邊唾一勺水中藏卧龍

蘇平

石井詩真人蛻骨已昇仙石井空遺野水邊華表不歸遼海鶴却憐城郭已千年

馬自然丹井 在硤石鎮惠力寺

咸化舊志

井前有丹井樓

嘉靖

海寧縣志

葛仙煉丹井 在硤石紫微山

咸淳志

一在東山廣福寺前

一在西山名紫微泉

舊海寧縣志

審山葛洪井其泉甚清汲者

往往得丹砂或投石井中輒有聲如雷

貝清江集 邱吉丹井詩梁代詩人

鍊歲華海昌山下鑿烟霞銀林綠帶梧桐影藥火紅開菡萏花間說旌陽曾有術焉知勾漏已無砂一泓雲液千年

在留興山

研日煮茶

鹽官海渡 由臨平湖上通錢塘江直指同浦趨西陵秦

漢已來江水故通自臨平湖塞遂不可攷宋書孔顛傳云

吳喜使劉亮由鹽官海渡直指同浦趨永興西陵吳喜諸

軍悉舟師同浦在錢塘江濱此海渡直指同浦卽水經注

臨平湖下注浙江行旅所從以出浙江是也

神州古史考

富陽縣

觀山 在富陽縣治東孤峰高聳橫截大江爲縣東水口

三國時孫氏建道觀于山上因名亦曰鶴山亦曰石頭山

大清一統

志

富陽縣有石頭山

隋書地理志

石頭山山上有觀濤

所太平寰

在治東百餘步

咸淳志

舊志云一名鶴山鶴字疑

當作鶴

成化舊志

方岳觀山詩一層雲放一層山小市人家翠欲環檢點只疑低數尺一層山尚隱雲間

陳天麟觀山詩烟水蒼茫四望中見來魚鳥自從容身因老去秋懷薄家在山南落照同譙鼓未傳江月白市聲初散佛燈紅憑高已盡登臨目不定栖鳥集晚風朱葵尊登觀山頂詩杖策荒塗外憑高遠樹重微茫開積水縹緲見孤峰細雨春歸鴈深山日暮鐘何年共招隱相伴入雲松練貞吉觀山詩嶺展貪秋色憑高望眼開寺藏山郭小江自海門來鳥道封寒霧魚梁滿翠苔亭空不可問知是子陵臺

吳鼻山

在縣東五里亦名湖鼻山俗名大嶺山山勢峭

拔下瞰大江路狹而險宋乾道中邑令陸楠鑿路欄石以

護往來

大清一統志

陸楠因邑士謝安頤之請鑿路欄石往

來者以爲便嘉定癸酉令程秘丙子令曾治鳳相繼重修

寶慶乙酉趙汝捍補甃易石欄爲石壁

咸淳志 陳震大嶺石欄記邑之東

由東門鋪抵赤松可九里多鑿穹石堆壙爲路旁瞰大江
巖巖滿險夜行不禁亡頓之人抵禁肆欺乾道間邑令陸
楠更闢路創石闌建菴守以僧民以爲便歲久柱折闌壞
守僧不存行者惴然嘉定丙子令尹曾公治風始增立石
柱一百七十根翼以欄楯復修其舊相望不絕葺菴以存
僧好人屏跡又自觀山直抵廟山二十里山行病牽磚泥
行多溽淖公悉砌以石板召匠度費悉以委之視其成計
尋丈而償其直不任吏不役里長凡爲路一千五百二丈
逾月而成與今大叅鄭公所砌入京之道相與聯屬端平
廣衍可以久而勿壞矣第石闌之設以木爲楹透兵走卒
繹舟之夫夜過者多竊以爲薪易至廢壞非嚴其禁不止
舊皆掌以里正若縣家加以檢防而時葺之不難也惟後
之君子以宏濟爲心毋以創不自我而怠焉則幸矣 張
丹富春大嶺道中詩峻嶺捎天迥澄江帶日飄落雲停石
嫩倒木溜山椒亂蝶沾波起飛復
踏樹搖赤松灣泊處烟際有漁樵

赤亭山

在縣東九里周四十里孤圓聳秀江流其下羣

峯環拱望如華蓋寰宇記嚴光釣于赤亭里卽此一名雞

籠山一名赤松子山

大清一統志

富陽縣有雞籠山

隋書地理志

赤亭江中山名也

劉夏文選注

赤松子得道時嘗駕白鶴停此

山晏公類要

赤松子山高一百五十丈因赤松子憇此得名形

孤圓如華蓋又名華蓋山

咸淳志

謝靈運富春渚詩宵

雲霧赤亭無淹薄迴流觸鷺急臨圻阻參錯亮乏伯昏分
險過呂梁壑滂至宜便習兼山貴止託平生協幽期淪瓊
困微弱久露干祿請始果遠游諾宿心漸申寫萬事俱零
落懷抱既昭曠外物徒龍獲江淹赤亭渚詩吳江汎邱
墟饒桂復多楓水夕翻波黑日暮精氣紅路長寒光盡鳥
鳴秋草窮瑤水雖未合珠霜竊過中坐識物序宴卧視歲
陰空一傷千里極獨望淮海
風遠心何所類雲遙有征鴻

按李善文選注引吳郡緣海四縣記云赤亭在定山東

十餘里疑赤亭當在錢塘徐范二村之間今無可考而富陽赤亭山乃去定山五十餘里計方位又屬其西謝詩先云旦及富春郭後云赤亭無淹薄則作詩地明屬富春去富春郭九里爲赤亭山則所指赤亭又明屬此山若謂在錢塘則謝詩反費解矣緣海四縣記今久佚無可考証

梭山 在縣東二十里高二十丈周回二里許山形尖銳如梭梅梁潭在其下

成化舊志

按赤亭山梭山之中又有廟山山上有赤松子廟下有元處士黃公望墓陳震修大嶺路記有自觀山抵廟山

二十里語咸淳志有廟山渡蓋其山雖赤亭支阜在宋
已別著名號矣前志皆專載

泉山 在縣東二十里江陰村其山背一石嵯峨如角世
傳昔有三仙羽化里人立祠設像焉下有泉源旱禱則泉
溢冬溫夏寒成化舊志山卽清泉山也神州古史考富春縣有清泉

山列異傳

里山 在縣東南三十里靈峰村高可五丈周回止一里
故名里山又名龜山萬歷舊志

靈峰山 在縣東南四十里高出衆峰絕頂平行有田數
畝泉源不竭大清一統志世傳昔宣氏兄弟三人耕山得酒

州石佛結菴以奉至今尚存歲旱禱雨無不應因號靈峰

萬歷書志 楊維禎登靈峰詩靈峰何崔巍絕頂有故刹
我來試登高石路險且滑時維八月秋西風轉蕭颯溪深
水迂迴雲淨竹周匝行行過短橋峭壁直如削况乃鳥道
微孤猿度酒狹枯松枝新摧亂石勢將塌古碑已無字空
遺綠苔壓對此神氣清力行不知乏中有瀑布泉兩山競
相夾樵子日負薪野人時採葯路逢麻姑仙饒我飯一勺
遙聞鐘磬聲深林起鏗鏘老僧習禪定口念摩訶薩日暮
懸留子爲下陳蕃榻烹茶飯疏食喜遂浮生樂夜深月色
寒露逼征衣薄起來振長嘯闐然天籟發明朝轍下山芒
鞋著雙脚何當駕青鸞乘風入寥廓 王遵道登靈峰山
詩覓入靈峰寺山僧掃徑迎塔間餘群跡院靜落松聲
白石岩梯屐清泉可濯纓聯牀逢故友杯酒話平生

剡望山 在縣東南五十里其山如仙人坐狀從剡溪入

峰巒迴合林樹翳鬱下有泉池可溉田

古今圖書集成職方典

來公山 在縣南慶善里以嚴光謝翺諸公來此得名

富陽

縣志

陽平山

一作陽城

浙江又東北逕富春縣南江南有山孫武

皇之先所葬也

水經注

董監吳地記富春有陽城山孫氏所

葬漢末上有光雲氣屬天

太平御覽

陽平山地理志云吳武烈

孫氏之所居也其祖種瓜于此有二仙人示其葬地卽此

太平寰宇記

山在縣南一十五里高五十丈廣二十里面大江

咸淳志

其地山川回合真勝地也今或呼爲天子岡

富陽縣志

天鐘山 亦在縣南十五里上多奇石有石泉奔流瀑布

懸厓傾注如匹練

大清一統志

王之賦天鐘山詩扁舟入谷口登岸坐苔磯吳石千

層出孤泉一道飛風和梅放早山僻鳥鳴稀日暮方回棹鐘聲隔翠微 金紫垣天鐘山詩花官寂歷磬初傳山曉

溪迥別有天鳥影隨風投暝色猿聲帶月破蒼烟依潭怪石如人立挂樹飛泉似雪懸此地應無塵想到孤雲片石自年年

亭山 在縣南十八里晉孫粲建亭其上因名山頂石穴

出白泉迸流而下爲龍門灣又分數派懸流飛瀑泉石甚

奇 大清一統志 浙江逕富春縣南又逕亭山 水經注 山高二

百丈廣一百二十里 咸淳志 周思備龍門詩爲愛深山好息機重攀絕壁往蹤稀雙巖秀

出紅霞斷一水虛懸白練飛谷靜溪聲暗作雨春明竹色晚含暉高眠幽石瞿然覺拂落松花滿地歸

龍門山 在縣南四十里山勢壁立頂有泉瀉爲瀑布山

腹有上中下三潭可禱雨 大清一統志 山腹有三潭天然石

泓名曰龍潭其中下二潭蹤跡可至上潭則邈然不可卽

古今圖書集成職方典 黃潛龍潭山詩二月清江照眼
明避風舟楫滿迴汀斷雲挾雨時時黑密葉藏花樹樹青
習隱未成陶令賦行歌聊共屈原醒
碧潭光景無消息坐看魚兒點翠萍

永安山 在縣南五十里小剡村山甚高大群山迴繞今古

圖書集成職方典 張憲永安山詩宿雨忽開霽凭高散
旅愁野烟啼翠鳥庭草卧青牛怪石尖如劍長杉高過樓
尚懷登絕頂
東北望杭州

鹿山 在縣西南五里其狀如鹿世傳有群龍居之興水
早爲民害因靈巖大師講經化服其孽遂息俗謂之降龍

山咸淳志 東臨大江之上俯瞰江如縈帶西則傍靈巖山富陽

縣志

都輿山 在縣西南四十里高九十丈廣三十五里其狀

類馬又名馬山

咸淳志

湖汙山 在縣西南五十里甚幽邃重疊險遠每時有擾

擾人皆逃避于此山

元和郡縣志

山高三百丈廣一百三十二

里上有石樓石城侯景之亂里人姓陸者率鄉隣保固之

全活萬計上有石佛父老傳云澶淵之役嘗見夢于章聖

皇帝後有水旱亦嘗遣使禱焉

咸淳志

山下出泉曰錦溪東

流繞錦明山注于富春江

嘉靖浙江通志

孫翹湖汙上冢繫舟丁山田舍小憩詩清溪

三百曲一片春風綠茅屋有人家窈窕閑深竹老去耽田

里寓目快新鷗風漪卷翠綃雲獻鏤蒼玉尋盟喚白鷗解

佩頤責憤獨嘯無一人傳聲滿空谷

按率鄉隣保固此山梁太清時事也成化志作方臘之

亂似誤萬歷志云侯景之亂里人李南峰保固于此又與咸淳志異

錦明山 在縣西南五十里善政村高二百餘丈周回二里臨錦溪石壁清峭水光曜映明若錦繡因以名之

古今圖書集成職方典

申屠山 在縣西南五十餘里世傳有申屠氏結廬以居

乃以名其山

咸淳志

山高三百丈

舊浙江通志

陳剛中記

揖應接不暇滴水怪石神刻鬼劃千巧萬狀中有平田如設萬席甍然僧寺出于林表嘉木修竹左右交翠此申屠剛進新室之禱申屠蟠購黨綱之名避地結廬于今千載子孫家焉支派分衍至百餘室因姓而名其山復以申屠志其地又分上下前後焉是山也東揖桐君之廬南望孫君之圓山深林密而無虎豹之藏地僻人稀而無盜賊之

患山之大雄院有禪月師畫住世十六大阿羅漢山村之人謹事之水旱疾病禱必應云

按咸淳志只作申屠氏神州古史考引古記作申屠剛乃附會之詞茲不登載

靈巖山 在縣西二十里峰巒秀麗岩壑幽奇岩下有池

名龍潭中有龍子狀若蠃蜒歲旱禱之則雨 大清一統志

名湖南山在縣南三十里高八十丈 咸淳志 雲巖山一作靈

巖 成化舊志 邵嘉九日登湖南山詩逃禪性癖絕塵寰為愛秋光強問山花盡清尊莫潦倒歸雲有意促人還

按薛氏舊省志稱雲巖山趙氏舊省志陳氏舊府志皆

云一名南山

貝山 在縣西三十里西屬新城縣界山頂有湖流為步

溪南入江

大清一統志

山高三百丈廣七十八里

咸淳志

紫微山

在縣西五十餘里其山崛起居東梓大江中對

江有川曰龜川世傳吳紫微黃門侍郎孫瑤葬于此山因

名

咸淳舊志

鑠石山 在縣西北一里土岡而石麓橫于衆峰之前其

形平而長有類乎鑠山上有泉味甚甘冽孤亭俯望城郭

參差如繪

古今圖書集成職方典

山高五十丈周三里二十步

咸淳舊志

孫師夷鑠石山詩憑臨江外數峯青遠近層巒鎖石屏

雨意欲成烟著水秋聲不斷鴈連汀雲藏古驛人爭渡日
映丹楓客倚亭幾處風光
頻引勝覽來欲去又姑停

小隱山 在縣北一里三十步爲縣治主山夏陽公謝絳

遷居于此

咸淳志

一統志云爲縣治鎮山卽此也山故不甚

峻而地脈隱隆青厓翠發

富陽縣志

樟巖山

在縣北五里獨高衆峰其巖有樟故名又名橫

山世傳赤松子煉丹之所上有石巖龍藏其中西北有穴

久晴則起霧網緼如陶烟乃雨候也

咸淳志

一名樟嶺俗名

東山巖背爲舒姑坪南爲獅子巖

舊富陽縣志

申屠靈

此游古樟深徑鎖清幽芝田曉潤潮痕入葯洞春香雨氣

浮山揭翠屏舒道眼水鏗瑤瑟應龍湫何時卜宅棲岩下

分取青山

老一邱
按明一統志作樟嶺列于嶺類

舒壁山

淨明寺在縣北五里寺枕高山名曰舒壁山劫

有龍潭澗水橫流上有橋亭

咸淳志

白龍山 在縣北二十里勢若屏風與姥岑相連

大清一統

志 邵光尹入白龍山詩春老寒猶峭山深桃正花泉聲
通湖遠竹色取陰賒靜處石宜侶貧中寺可家行吟何所
得歸路日俱斜 邵嘉登白龍山詩尋幽覽勝勢迢遙載
酒登臨出遠郊數片游雲樓竹徑千尋飛瀑挂松梢寒光
照樹風傳谷暮色依人鳥覓巢攜
醉歸來思正禾一天明月晚鐘敲

姥岑山 在縣北二十五里

大清一統志

山在白昇村一名

天姥峰右有石岩覆空如大厦

舊富陽縣志 甲曆蓮姥岑山詩秋風吹杖履直上

最高岩雲濕粘山屐天低接海帆葯香遺短草苔色映枯杉到得仙棲處知吾骨不凡

西巖山 在縣北三十五里當徐嶺大路之西舊志云山

岩峭壁屹峙瀑布飛流其間自左而下地平如掌峰環水

繞竒秀插天

大清一統志

岩下有洞洞口有池

咸淳志

境當餘

杭孔道之右因稱西巖

倪明素西巖記

山中勝景不一一日迎曦

洞旭日初昇映射飛瀑波光滉漾入洞中一日毘盧岩峭

石特聳色相莊嚴一日綴蘿壁石壁如屏藤蘿倒綴一日

八卦臺平石二四排列左右一日應潮池一池大似覆盆

從地湧起早晚與潮相應一日鳴琴洞瀑布一道直下岩

石水石相擊無異琴音一日洗心潭潭口徑丈許照徹鬚

眉臨流靜對沁人心肺一日珍珠簾檐外鍾乳凝膏滴瀝

不斷日光反射燦若珠幕一日仙履跡世傳葛仙駐此履

跡深入石中有數寸許一日丹竈突丹室中故存丹竈中

一小孔直通岩外天然成突一日仙牀石石如掌平儼似牀榻石枕自然偃仰任意一日觀音窟石岩中空可容二

三人前臨流水旁生叢竹一日丫髻峰前案芙蓉雙削吞

雲吐霧望之如並髻焉

富陽縣志 白居易西岩山詩千古仙居物象饒道成丹熟晝昇霄

岩前寶磬傳松韻洞口靈池應海潮崖折百花遲日晚鶴歸清夜唳聲遙登臨漸到希夷境手拂行雲度石橋 楊維禎西岩山詩一徑入雲林經行古洞陰猿聲烟樹晚虎跡雪泥深石瘦多生麝梅栝直到心吾生真性癖來共蕩

翁吟

雙髻峰 在縣南三十五里慶護村周回一百五十里高

二百五十丈其狀如髻故名

成化舊志 張雨雙髻峯詩樓外晴山積翠成層巒疊嶂

倚青冥月明會有鸞笙

過雙髻峯頭墮鶴翎

按萬歷志作雙髻山又縣志載西岩山有丫髻峰與此

異

獅子巖 在縣北五里樟岩山南岩石奇峭四顧皆虛壁

立峻絕蔚蔚蒙蒙雲氣若出其下相傳黃初平修仙于此

或云王方平兄弟

富陽縣志

邵斌獅子巖詩高山勢接天攬勝盡岩前王氣隨風息仙蹤待月

旋浮雲環嶺腹流水落松顛城郭知何處迢迢一縷烟

舒姑坪 在縣北五里樟岩山後昔舒氏二女得道于此

或曰思姑坪以婦思姑而名也坪高五里許危巒插天行

者艱于登陟褰裳攀磴而上俯視大江細如一縷

古今圖書集成

職方典

宋起鳳舒姑坪記邑西北五里許有山巖巖笏立土人稱曰舒姑坪山程纒數里耳而仄蹬紆折無林樾

泉石小憩蔭巖作羊腸九坂登陟僅容筍兜不可騎蓋石齒芒出靡不苦足之繭也山形兩峰峻張中如仰瓦稍拓平曠數隴卓菴其上老竹蒨蒨不計畝陰翳上下曦光卻射路穿竹中委蛇具畫理旁翼短籬殆類村墟然凡數盤抵平腹有石岩覆幢高不極丈下嵌野池方廣逾尺石脈自岩竇注下猶乳漿迸瀉甘且冽菴僧盥酌依于是菴不設堵編竹培之剪莠數椽蕭蕭如山家狀旁架小樓出竹杪可瞰嵐翠坪之陽概植茶僧經歲事此藉自給焉菴外取路東峯足所經皆在烟影雨聲中峯頂見澄江若練布帆若沙鳥邑郭若樽俎物珊珊乎殆御風而俛首陸海間耶峯外一山叢爾螺蚶媽然旁無附麗其勞鼎踞自雄者土人名鷄籠山謂赤松子曾隱此又曰王初平煉丹所其間窟宅鬼竈猶存坪無他勝狀此峯縹緲表裏江山差堪佐嘯歌耳接舒姑為五代時邑人失父母矢不字仲季同學道結茅坪上其兄樵采給之歲久皆仙去邑人神其說不雅馴無足錄也每春時遠近來禱蠶桑餘月則絕足音矣庚戌十月午大令招同廣陵劉子彥度袁子滄酒攜衆坐東峯上時木落山空江流漸東返照倒景嵐氣欲襲衆不能持遂促歸 蔣仲行舒姑坪詩山顛高寺白雲遶雲氣蒼茫數百年古木參差陰蔽日危峯翠嶂畫生烟江流

幾曲登峯盡城市千家入望懸委
說仙人今已去徒餘花鳥滿坪前

按諸匡鼎說詩堂集有舒壁山記云卽今舒姑坪以地
核之其說良是然咸淳志言舒壁山有龍潭而此無有
蓋舒壁爲統樟巖總名此僅其山後一坪耳

長山隴 湯家埠西南十里爲長山隴俗呼大麥地與程備覽

方回曉發富陽縣詩長山隴石片帆斜小雨初晴日眩沙回首遙看富陽縣青烟低翠一叢花

篠嶺 在縣北二十五里路通餘杭明初李文忠自富陽

北趨餘杭道出于此大清一統志浙水至富陽城南有篠嶺

水自北來經城西注之水道提綱

桐嶺 在縣北三十五里接餘杭縣界大清一統志郡城鳳

鳳諸山發脈于天目桐嶺爲過峽處

舊志

邵嘉尹桐嶺詩獨坐巒岩下悠然

清景來白雲留日
色餘影落青苔

草鞋嶺

在惠愛村去縣三十里通新城縣

古今圖書集成職方典

貝山西麓屬新城縣界相接者曰草鞋嶺

方輿紀要

漁嶺

在靈峰山旁去縣四十里界蕭山縣

萬歷舊志權德輿富陽

陸路詩又入亂峯去遠程殊未歸烟蘿迷各路山果落征衣歛石臨清淺晴雲出翠微漁潭明夜泊心憶謝元暉

按德輿所稱漁潭卽此嶺下之津也

鵲嶺

在大源去縣東南四十里通諸暨縣

舊浙江通志

青草嶺

在縣西南五十里路出桐廬縣

方輿紀要

金沙嶺

在棲鶴村去縣九十里通浦江縣

古今圖書集成職方典

花塢 舒壁山面深坳曰花塢相傳昔人栽花萬樹于塢

中當夕陽返照時如燦雲錦

說詩堂集 俞膺花塢夕陽詩入塢尋春奈晚何好春偏

傍夕陽多柳邊鶯語傳幽谷烟外花明散錦莎綠野游人
藜杖屐紫騮歸騎石橋過憑誰移近城南地畱取餘光照

羅綺

巖洞 在縣西三十里西岩山洞有水池每日潮再至與

浙江相應白樂天詩洞口靈池應海潮是也洞中有足跡

世傳葛仙翁遺跡舊有煉丹鼎

咸淳志

仙洞 桐嶺之東山巔有仙洞深可里許玲瓏邃窈未可

方物幽暗處不見曦景必炷香火而游攀藤捫石高處畧
可數十丈低處或俯首而過崖石層疊光潤如雪有石幢

石幡石繖石碁枰諸跡內有潮池亦與潮汐相應

富陽縣志何

春歲游洞山詩春玉餐霞養息機爲傳靈跡著岩扉雷驚

婉婉雙龍去風靜寥寥獨鶴歸寶劍擊時蒼兕吼玉笙吹

徹彩雲飛仙蹤縹緲知何處時見烟嵐鎖翠微

黃花洞 富春棲鶴村有黃花洞世傳黃石公所居

石鼓 西岩山麓有石扣之鏗然人號石鼓

名山一曰鼓

聲石後移置清修寺被焚壞

富陽縣志 原天隣西岩石鼓歌雲華真人下瑤天手持

赤簡乘紫烟欲歸不得游人間東攜勾漏丹砂還若隈煮石南海傳抽添爰巢呼老猿丹成拔宅難犬仙凌空不落

石鼓懸金堂玉室聞流泉青厓翠壑相勾連有時仙籟如鳴絃空中鸞鶴聲駢闐有時仙賦白玉篇苔蘚剝蝕元文

纏我欲扣之桐魚鑄恐驚真宰醉中眠摩挲拂拭尋真詮寶氣欲干牛斗遠憶昔軒皇涿鹿前桐鼓一震蛟螭旋功

成飛入雷門巖東都石龜太學編中郎摩畫如鸞鸞泥塗轉徙空入憐孫郎一去不記年瓜邱滅沒如荒田丹烏白

鶴隨飛鷺子陵祠前水涓涓釣竿擬作珊瑚鞭江濤怒挾
魚龍顛何如此石自巖巖不考不擊聲喧然東有赤亭相
比肩松風謾謾月娟娟妙庭丹壺來坡仙與翁石
鼎翔三焉他時得並雙成駕歌向雲中問稚川

富春江 浙江自嚴州府桐廬縣流入富陽縣爲富春江

大清一統志 富春卽浙之上流也縣蓋以此名郡縣釋名一名會

江昔柔欽爲水經謂浙江之源出于新安衛娶宋新安程
秘爲富陽令知水所出之詳故于江旁建亭號曰會江亭
謂以新安衛娶桐廬之水至富陽而悉會故也成化舊志吳均與

朱元思書自富陽至桐廬一百許里水皆漂碧千丈見底
游魚細石直視無礙急湍甚箭猛浪若奔夾岸高山皆生
寒樹負勢競上互相軒邈爭高直指百成峰泉漱石
泠泠作響好鳥相鳴嚶嚶成韻經綸昔務成窺谷忘返矣
權德輿早發杭州汎富春江寄陸三十一公佐詩候曉
起徒馭春江多好風白波連青雲蕩漾晨光中四望浩無

際沈憂將此同未離奔走途但恐成悲翁俯見觸餌驛仰
目凌霄鴻縷塵日已厚心累何時空區區此人世所向皆
笑籠唯應杯中物醒醉爲窮通故人元圃姿瓊樹粉青蕊
終當此山去共結蘭桂叢 耶士元富春渚送奚賈詩東
南富春渚曾是謝公游今日奚生去新安江正秋水容清
過客霜葉伴行舟遙想赤亭下聞猿應夜愁 喻見曉泊
富春江詩江鍾寒夕微江鳥望巢飛木落山城出潮生海
棹歸獨吟霜島月誰寄雪天衣此別三千里關西信更稀
孫逸暮泊富陽詩扁舟夜入江潭泊露白風高氣蕭索
富春渚上湖未回天姥岑遊月初落烟水茫茫多若辛更
聞江上越人吟洛陽城闕何時見西北浮雲朝暝深 吳
融富春江詩水送山迎入富春一川如畫晚晴新雲低遠
渡帆來重木落寒沙鳥下頻未必柳間無謝客也應花裏
有秦人殿光萬古清風在不放停橈更問津 羅隱映日
富春江行詩遠岸平如剪澄江靜似鋪紫鮮仙客馭金轡
李衡奴冷疊群山澗清涵萬象殊嚴陵亦高見歸卧是良
圖 晁補之富春行贈范振詩錢塘江北百里餘漲沙不
復生菰蒲沙田老桑出葉藏江湖打根根半枯八月九月
秋風惡風高駕潮晚不落鼓聲擊擊擊擘擘擘爭湊富春城
下汜君家茅屋並城樓不出山行不記秋越船吳帆亦何

故今年明年來復去 陸游泛富春江詩雙橋搖江疊鼓
催伯符故國喜重來 秋山斷處望漁浦曉日升時離釣臺
官路已悲凋歲月 客衣仍悔犯風埃 還家正及雞豚社 剩
作鄰翁笑口開 李若川夜泊富陽詩弭棹富春岸江湖
侵夜生扁舟 人未寐風動菰蒲聲 群物漸已息 客懷有餘
清 閒筵坐深夜月在雲間明 遠眺江水濶 仰視天河橫 念
此復何極 曠然千古情 恨阻心中仙 濁醪相與傾 楊維
慎富春夜泊寄張伯雨詩春江大派湖水長 布帆一日上
桐廬 客星門巷赤松底 野市江郊淨雪初 柱宿雞籠山頂
鶴 斗量紫網壩頭魚 來青小閣在林表 故人張燈修夜書
張以寧浙江放舟之富陽詩山從天日下 潮到富春颺
此地扁舟去 吾生幾度來 林紅晚日落 江白雨雲開 明旦
須停棹 呼兒看釣臺

陽陂湖 富陽縣北十四里有陽陂湖 貞觀十二年令郝
某開南七十步有隄 登封元年令李濬所築 東自海西至

于苕浦 以捍水患 貞元七年令鄭早又增修之 唐書地在

縣北十里二十六步周十六里六十四步可溉田萬畝

咸淳

志在臨湖村洪武二十六年令盧仁丈量湖面計六百三

十五畝則民地科稅

萬歷舊志

明以湖屬于官蠲免科稅民多

請佃沿隄湖爲蕩取芙蓉菱芡以種之瀦水畜魚後因兵

變隄爲捕魚者所決湖遂涸

國朝康熙五年知縣徐啟業委縣丞趙崧修築仍得溉田

浙江通志

按史云郝某蓋其名已久逸今通志及馬翀瀦湖記作

郝伙方輿紀要作郝明未詳所本

湧泉湖 在縣西二十五里濶二十餘丈長四百步泉永

湧出可溉田數百頃

咸淳志

小謝湖 在縣南二十里大江之陰溉田二千餘畝 大清

一統志

慶春河 在縣東門內自觀山達後河西通莧浦東合大

江 大清一統志

志

卽古縣濠今湮塞康熙元年知縣朱永盛開

濬東門一帶 富陽縣志

安吳川 在縣東一十里東入錢塘縣界舊志云吳之平

陽也

咸淳志

源出大源里洄漩五十里入江 萬歷舊志

龜川 在縣西南五十餘里江口對境有山曰紫微 成化舊志

高欽祖龜川秋月詩皎皎秋光斗正橫榜人欸乃棹波平
鴈來沙渚霜初下楓落江潭潮正生遠岫一灣藏古寺

澹雲幾點過高城纜舟莫問
枯桑事且賁村膠話月明

按咸淳志亦謂龜川對境有紫微山紫微居東梓大江中則川在縣西南境矣萬歷舊志乃云在縣東觀山省府縣志皆從之未詳孰是川之得名或云卽因永康人得龜獻孫權事詳劉敬叔異苑引見水經注今另詳雜記

步溪水 在縣西三十里源出貝山一名步橋水分爲二派又合流入莧浦南入于江

大清一統志

步橋水分爲二派

一自湖南大浦至太平橋合私水入莧浦一自湖南小浦

過羅橋會莧浦合流入江

富陽縣志

凌皓村水

在縣東春明里凌皓村口有水源可溉出

咸淳

志

私水 在縣北三十里源出天目山伏流一百六十里復

見東流合步溪入莧浦

大清一統志

自天目山默貫有如沈

水伏行洞庭潛通然發于慈孝鄉開化靈泉二里

富陽縣志

湖泆水 在縣西南九十里源出湖泆山自金沙而來東

入浙江

大清一統志

澗五十步東入錢塘江界地理志云湖

泆水中有域含沙射人每遇夏秋人不敢涉

咸淳志

五泄水 在縣東南八十里接諸暨縣界自紫閭發源滙

爲溪兩山夾之壁立二百餘丈歷五級下注絕壑上三泄

地屬富陽下二泄地屬諸暨

大清一統志

浙江東逕諸暨縣

與洩溪合溪廣數丈中道有兩高山夾溪造雲壁立凡有五洩洩懸三十餘丈廣十丈中二洩不可得至登山遠望乃得見之下洩懸百餘丈水勢高急聲震水外上洩懸二百餘丈望若雲垂此是瀑布土人號爲洩也

水經注

五泄山

水沿歷五級始注溪壑故曰五泄飛沫如雪淙激之聲雄

于雷霆俗謂小鴈蕩

方輿勝覽

從響鐵嶺而登望見平疇長林

溝塍組織水皆安流審之卽墮而爲泄者其地名紫閣四

顧邈然平遠亦更有群峰環之上山卽富陽縣界也

陶歌菴集

度紫閣山沿石河行一里所地名石鼓足頓之葵葵鳴越十步至第一潭潭如井睨之甚黑投以小石鏗若佩環又

越十餘步至第二潭圓如錡釜面廣而底敞大水驅亂石聚其內迨滿復泄去潭下石壁百餘尺險不可置足從其右懸藤墜下至第三潭潭甚深以線繩之下不見底其形方狹而長天向陰常有雲氣從中起疑有蛟龍潛其下第四潭咸不敢往第五卽東潭也

宋學士集

白洋溪 在縣北二十里會開化里諸山之水溉田數頃

大清一統

志

源溪 在縣東南二十里大江之陰靈岩寺前其水源深

流行溉田數頃

萬歷舊志

聖安溪 在縣南五十里善政村自永安山經妙智寺前

溉田六十畝

富陽縣志

錦溪 去縣西南五十里舊名善政溪發源于棲鶴村激

錦明山盤渦而下波光粼粼澗搖石壁合流于富春江

成化

舊志湖狀山下泉流曰錦溪東流合湖狀水注江

讀史方輿紀要

水澄深澗漾遇風清月明波紋若錦故名溉田三百餘畝

舊浙江

通志

湖源港 湖溪源出坑岩山北流抵富陽縣界以達于大

江

浦江縣志

湖溪屈曲行百二十里經金沙嶺入富陽界有九

靈諸山水來會又北行六十里經場口入浙

水道提綱

南關汎

地自富陽馬頭西南爲湯家埠爲程墳灣爲湖源港爲新

店埠爲桐洲沙

武林紀畧 鄭剛中渡湖源口詩暫出復與上小航眼

明重喜見江鄉夢魂孤岸浪

頭宿一夜隨潮入富陽

戴良入湖源詩榜舟渡長浦擡

首望遙山西界出吳道東臨入越關到家諒匪遠跋馬勞

不前懷祿吾豈敢行路古所

難獨有山上雲旣出復知還

赤松灣

在縣東十八里四十步

神州古史考 釋皎然 赤松洞詩綠岸家龍出

見天晴沙漲水濺殘何處羽

人長洗藥殘花無數逐流泉

下淮 桐廬縣東五十里與富陽縣接境舊爲江流扼要

處字說淮圍也言江流四周圍合也陳天嘉四年詔沈恪

襲留異異敗恪于下淮恪退還錢塘異以兵戍下淮梁天

寶末侯景遣將攻劉神茂神茂營于下淮或謂賊長于野

戰下淮地平四面受敵不如據七里瀨神茂不從戰敗讀史

方輿
紀要

富春浦

漢末爲縣于其津吳大帝時有浦通浙江至唐

溪及桐溪並見吳錄縣東大溪注廬口綠波青岩晉徵士

散騎侍郎戴勃游此自言山之極致也

太平寰宇記何遜日夕出富陽浦

口和郎公詩客心愁日暮徒倚空望歸山烟涵樹色江水映霞輝獨鶴凌空逝雙鳧出浪飛故鄉千餘里茲夕寒無衣

莧浦

在縣西一里卽恩波橋浦也濶六十步東合步橋

諸水入浙江

大清一統志

登封元年令李溶時于富陽縣南

築隄西至于莧浦

府耆地理志

一名闕浦俗謂闕爲莧

咸淳志孫師

爽莧浦詩浦樹參差出遠阜武陵何處繁漁初人行柳色鶯催兩客坐茶香松作隣近水雲深飛徑灑遙山綠滿故

峰高陰晴天氣潭如
醉林外聲聲聽伯勞

新浦 在縣東南五里上爲通衢下通錢塘江湖嘉靖湖江通志

楊橫自己浦 在春明里地名黃浦橋咸淳志其水無源隨

潮汐盈涸不通舟楫舊志

杜家浦 在望仙村其水溉田三百畝元時漕塞永樂九

年縣令王必寧修開之古今圖書集成職方典

漁浦 在縣東南四十里自朱坑岡而來七里爲前溪下

流入江五代時錢鏐拒劉漢宏水軍由漁浦出卽此大清

一統志漁浦潭在郡西南吳公典地志在縣靈峰村吳郡記富春

東三十里有漁浦是也富陽縣志邱運早發漁浦潭詩漁浦秀未開赤亭風亦颺權歌發

中流鳴響疊嶂村童忽相聚野老時一望詭怪石異象
巖絕峰殊狀森森荒樹齊析寒沙漲藤垂島易陟崖傾
與難傍信是永幽棲豈徒暫清曠坐曠昔有委卧治今可
尚孟浩發洳浦潭潭詩東旭早光芒渚禽已驚聒卧問漁
浦口撓聲暗相撥日出氣象分始知江路測美人常晏起
照影弄流沫飲水長驚猿祭魚時見獺舟行自無悶况值
晴景豁陶翰乘潮至漁浦詩鱖舟乘早湖潮來如風雨
樟亭忽已隱界峰莫及覩奔騰心爲失浩蕩目無主風停
浪始開漾漾入酒浦雲影共澄齊江山相吞吐偉然造化
靈此事已終古沈沫誠足戒商歌調易苦願因忠信全客
心猶栩栩潘闕自桐廬歸錢塘泊漁浦詩久客見華髮
孤棹桐廬歸新月無期照落日有餘輝漁浦風水急龍山
烟火徵時鷺沙上鴈一青人飛棹游漁浦詩桐廬處
處是新詩漁浦江山天下奇安得移家常此任乘潮入縣
伴湖歸全涓舟次漁浦詩雙溪東入浙終日坐危舟流
水遠明月小蓬低歷頭烟村鴉入暮江國鴈賓秋一片淒
涼景安排獨客愁王達如乾封晚經漁浦詩第聽輕
浦寒木白于練總星東出獵獵風北轉眼中獸蹄過箇
裏魚狀變稍聞刁斗應新喜烟火見誰家長林根繫艇沙
渚面天含蘆相思山錯吳越甸承平謝憂忠少壯忘鷓鴣

瓜橋往未遠雲源訪殊便明陟子陵灘桂酒同一莫倪
應亭通浦潭次邱運顧詩湯湯廣川近獵獵驚風屬積雲
擁吳清層陰開越嶂綠蕪改芋眠白蘋遙騁望烟樹各異
觀雲峰欲殊狀炎隄觸浪驚沙岸乘流設渦盤水易激瀉
險厓難傍鳳山眇威紆漁潭扁
清曠子焉濯塵撥聊以寫元尚

按漁浦處大江南岸東近紹興府蕭山縣境而地不屬
蕭山舊志皆以蕭山之鮎魚口爲漁浦遂謂浦當西陵
上游對岸爲錢塘之六和塔考宋書壽寂之濟自漁浦
邪趨永興癸辛雜志蘇劉義等挾二王行漁浦由婺入
括則舊志之誤自見茲遵

大清一統志載在本縣

蛇浦 在縣西南三十五里相傳常有巨蛇渡江而南沿

山而下其徑尚存俗稱蛇路灣

大清一統志

在普惠寺前有

溪入江昔巨蛇由此而出其地遂曲爲浦有祠在慶護村

刻浦今蛇浦人號爲龍溪

咸淳志

劉長卿蛇浦橋下重

相和寂寥黃葉一離一別

青山暮暮朝朝寒江漸出高岸

古木猶依斷橋明日行人已遠空餘淚滴回潮

劉長卿蛇浦橋月下重送詩月色今宵最明庭闈夜久天

晴寂寞多年老宦殷勤遠別深情溪隔修竹烟色風落高

梧雨聲耿耿相看不能

寐遙聞曉拆山城

刻浦 在縣西南四十里源出龍門山其流深廣巨舟可

入 大清一統志

楊思蟾刻浦歸帆詩春江一曲抱孤城薄

暮歸航駐遠程楊柳波頭帆影落蘆花洲

上浪痕平風吹暹火分鷗夢月到楚窓動

旅情此處方舟幾信宿不知移棹已晨征

東梓浦 在縣西南五十一里東入浙江舊名青草浦宋

將軍孫瑤葬此墳上梓木枝皆東靡故名

咸淳志

按成化志謂紫微山以孫瑤爲吳紫微黃門侍郎得名
潛志稱爲宋將軍未知孰是又潛志載孫鍾墓云孫氏
子孫葬富陽者有孫瑤則瑤固鍾之裔也其所歷之官
未詳

湖浦 浙江又東北入富陽縣東分爲湖浦

水經注

湖浦所

蓄遂開陽陂之湖

神州古史攷

按鄆注先言江水自新城入富陽分爲湖浦次言經富
陽縣南則浦當在縣西近新城境而陽陂湖乃在縣東
北倪氏說恐未確

孫洲 在縣西南四十二里周二十三里 大清一統志 吳錄

浙江經縣前過江中有沙漲吳武烈帝爲郡吏赴府鄉人

餞之會于洲上父老云此沙狹而長君其爲長沙太守乎

後果如父老之言因于長沙起義兵爲吳始祖遂名此沙

爲孫洲

太平寰宇記

又吳興地理志云縣西南八十里有長洲

孫氏數百家居之因以名

咸淳志

在瓜橋村杜氏通典云富

陽有孫洲是也

富陽縣志

王洲 在縣南五十里周五百步元和志云王洲出橋爲

江東之最

大清一統志

富陽縣王洲有橋以供貢

新唐書地理志 王

姓者居之今泮漲是也出桃花

咸淳志

富陽十鄉惟泮漲諸

沙最稱沃土

直隸舊志

桐洲 桐江水東注過孝子許或故廬

咸淳志

在縣西南五

十里看湖村有石瀨世傳爲子陵垂釣處宋吳寅有記

高陽

縣志

長沙 在望仙三畝其地李花成行延袤里許

富陽縣志 陳天麟

過長沙詩北風歸馬數行斜老去疎狂不憶家萬壑烟雲
迎杖履一川風雨澗桑麻何年江國吟芳杜別有幽岩種
玉花自分芙蓉城裏
峇未煩車馬渡龍沙

小沙 又曰新沙在望仙三畝及江陰界江繞水環中間

植桃十餘里春時堆錦錯繡不啻桃源

富陽縣志

劉漢宏兵自

西陵大出王自新沙出漁浦攻之

吳越備史

中沙 在春明三晉沙民多栽柏爲業秋葉紺紅映江瑟

瑟間以稻隴柳林頗稱佳境

富陽縣志

梅梁潭 在縣東田疇間水與潮消長旁有山唐咸通中

會稽建禹廟嘗伐梅木爲梁一夕風雨晦冥梁忽不見後

數日風雨又作梁復在焉視之赤萍滿腹遂謂此梁爲梅

潭之龍因以銅索纜之嘉泰中禱雨有應

咸淳志

述異記說

會稽夏禹廟中有梅梁忽一春而生枝葉梅梁之說舊有

之矣非始于唐也豈天監以前枝葉生華咸通之歲風雨

化龍歟

神州古史攷

周文瑛梅梁歌文命殿角東北左

上有梅梁鐵交鐐傳聞舊時枝葉生木質鱗身無
不可有時匹練離朱棋歸帶濕萍光欲動旁觀但怪香火
浪頃刻卽令風雨送爾不見鱗鳥呀鼓來就食走入嵩高

化爲石機祥禍福僅或是在陰陽幻變誰能測玉奇觀挂白
玉梁含元殿下流血柱與事苟違博物同後來那得詳其
故驟卷丹雲疑自霧玉簫九成奠尊組
富春汀浦望迢迢嗚呼梅梁勿飛去

鉢孟潭

在慶善村龍門山有瀑布注爲潭

咸淳志

又名龍

潭歲旱禱之則應

萬曆舊志

湖山礪

在縣南善政里廣二里許溉田二千餘畝水利

甚渥

大清一統志

江左高田坂田賴備旱潦其灌注自善政

達于鳳儀

富陽縣志

窮瀆

富陽縣有窮瀆搜神後記宋元嘉中富陽人王姓

于窮瀆中作蟹斷且往觀之見一材長二尺許在斷中王
取材納籠擔歸聞籠中倅倅動顧見向材頭變成一物人

面猴身一足語王曰我是山神君見怒當相佑助王不顧
應至家熾火焚之後寂然無聲土人謂此爲山猴云其瀆

近志失載

神州古
史攷

顧家泉

在春明里溉田四十餘畝

咸淳
志

方家泉

在春明村溉田五十餘畝

萬歷
舊志

按二泉同在縣東十里而發源不同萬歷志與縣志皆

兩載

卓錫泉

在縣西二十里萬齡山大智院初茂榮禪師卓

錫是山甘泉迸出遂穿爲方池泉卽盈溢

咸淳
志

甘露泉

在西岩山泉流淙淙出自石竅間厥味甘馨冬

夏不絕

富陽縣志

放生池

舊在縣東丹霞觀左紹興二十年令孫徹建尉

韓彥端記後令程玘移至通濟橋上

咸淳志 韓彥端放生池記唐肅宗崇乾

元年嘗詔天下郡縣臨江帶郭之處置放生池凡八十一所于時顏魯公真卿銘其事復表請題其額蓋欲使天下知其君有好生之德也我國家受天休命聖聖相承踰二百年禮無非以仁德致理今皇帝嗣無疆大歷服于紹興十八年悉詔郡縣置池一所命曰放生誠欲追肅宗之舉示慈惠而廣聖德也富春審邇天朝明詔一領黃龍白叟鼓舞胥慶盡以為吾君之誕節也既減膳矣戎殺兵而又鑿斯池也德及昆蟲若此其至雖虞夏商周之美曷遺是邨邑令孫徹實始其事而新令錢億年命彥端記之彥端獲覩盛事再拜稽首而言曰聖人之德無乎不在隨所至而之焉則在天為雨露在地為江河下蟠上際飛潛動植之物舉不外吾覆幬又孰有潤沼溪止之味哉然必精嚴標揭以為聖人之德在是者因物以見義因名以寓意不得不然爾是池也居小隱之陽處丹霞之右寥寥千載遺址

存焉歲在戊辰知縣事孫徹躬率士庶欽承德意因卑以爲深由狹以爲廣因工于子來因時于農隙官深磐堅新莽闢蕪役不勤民用不費帑而工以告備白波淪漣繞以方塘形勢廣袤四隅若一浮軒敞流宛若飛動菰蒲菱藻之所附麗龜魚鳥之所憑依水涵太虛冲融杳窅忘操之鱗一游一躍如在靈沼中千趣萬態不可名狀俗傳其中地脈通海時遇火雲蒸天歛蒸瘴怒邑人皆仰給而不竭豈非神物所護故能使佳境勝概綿世伏匿一朝發見如是其偉歟抑嘗歛容肅已登其亭四顧而矚之其東則有赤松子輕舉之山是曰華蓋西則有孫鍾結廬之所是曰孫洲其南則有嚴陵躬耕之地是曰觀山其北則有董雙成飛昇之跡是曰妙庭靜觀微步遐想一時神仙之所窟宅選士之所游息將欲效華封之祝舍斯地將安之手時紹興二十年三月初一日吉

合香池 先君子于紹定辛卯出宰富春附縣固鑿池建

堂適有雙蓮之瑞因名之曰合香取古詩風合雨花香之

句 癸辛
雜志

按周宥之父名晉

石井 在縣東南十餘里望仙村元至元時開鑿泉通大

源溪澗又暗通江陰村前潭

成化舊志

義井 在馴雉村泉甘寒舊屬居民旁有力者圖爲已便

邑人何景明捐貲贖之

古今圖書集成職方典 李王昂義井詩千年存義跡一碧貯寒泓

淨映銀林色明開玉鑑形分源雲液動
汲曉曉鸞鳴洞滴皆餘澤邦人誦令名

韓莊井 富陽韓珣莊鑿井纔深五六尺土中得魚數千

頭土有微潤

廣古今五行志

白龍井 在小隱山理安寺時有白龍出井故名

富陽縣志

漁山埠 在縣東三十里明初設稅課局于觀山東成化

間移此總富陽新城商稅後革

大清一統志

湯家埠 在縣西南二十里明初設河泊所後廢

大清一統志

志 姚炳夜宿湯埠詩江行望不極薄暮暫淹留日落山

沈明風生旅泊秋賣漿投野店分火乞鄰舟千里鄉關夢

迢迢溯碧流

觀山渡 在縣東本縣十鄉六居江南四居江北凡爲津

五惟觀山往來者衆始民間自渡紹興間中涓張氏創例
買撲錢足舟滿乃始離岸渡者苦之甚至覆溺廟山等渡

害亦如之進士謝安頤陳書府守韓仲通爲敷奏住罷未

幾貴戚又復擅之其害尤甚謝乃扣關投匭劄下版曹大

書鏤榜永不許陳乞買撲任民私渡

咸淳志 范成大富陽渡詩不到江湖今

五年歎山青
巖屋頭邊富
眷渡
口明人眼落日孤舟浪拍天

下口渡 在縣南二百五十步江濶五里二百二十六步

今南門外沙洲是也

咸淳志

廟山渡 在縣東二十一里江濶二里三百步

咸淳志
王同相廟

山道中詩
蕭蕭疎雨點孤篷
舟子招呼語
順風小麥青青
春恰半一犁江上看田翁

刻浦渡 在縣西南二十五里江濶二里餘

咸淳志

永濟渡 在小龜山東嶽廟前

國朝順治十七年知縣朱永盛建立此渡造舟以濟往來

舊富陽縣

志

陘中渡 縣西南舊有陘中渡史記秦始皇臨浙江水波

惡乃西百二十里從陋中渡水波惡處今由錢塘渡西陵
是也陋中渡則在富陽分水之間

讀史方輿紀要